

不檢暗於事理小豎子也○辰時日暈重匝內暈微青黑外暈外赤內青如虹內外暈之四皆有青赤氣如弛弓外向內暈南北皆有珥珥傍有白氣並外射至外暈而止○癸丑臺諫啓前事諫院啓曰江原都事尹時英人物庸劣成鏡都事柳敬祖罷軟不合請皆適之傳曰尹時英柳敬祖其適之餘不允○夜哭方有氣如火○甲寅右副承旨李世應辭職不久史臣曰世應嘗為密陽府使能剽劇不為下吏所欺然刑罰過嚴爲人好侈服飾治第亦甚宏麗無士君子之風○臺諫啓定難功臣及盧永孫常山君永孫昭格署李陌鄭應麟等事憲府啓曰任實居步兵金繼孫以立番軍士被歐於巡廳使令因以致死檢屍文案以爲因病致死而無屍親參見之端必有曖昧不公之理請令刑曹改檢傳曰金繼孫事其更檢餘皆不允○乙卯弘文館啓適修撰許洽以赴京未越江也史臣曰洽褊急苛細曾爲翰林僚下皆苦之又有忤害之心故不見容焉雖以赴京未還啓之意有在也○臺諫啓曰黃孟獻隱其母家奴名而巧托他人使之呈訴決給又請囑新監司枉害對訟之人請推治其罪仍上䟽略曰臣等所論定難功臣昭格署永孫永孫等事群情不愜公道壹鬱歲月愈久衆論愈激以迄于今 殿下豈不知是非